

# Et Krüzwoęträtsel

Em Krüzwoęträtsel schrief me Wöęť  
ens sänkräęť on ens waareräęť <sup>1</sup>.  
su dat sisch also emme wię  
die Wöęť em Rätsel övveschnijje.  
On »Krüzwoęť« heesch ję boochstääflisch <sup>2</sup>:  
die Wöęť em Rätsel krüzze sisch.

Für su-e Rätsel opzelöse,  
moß dat Verschiedenste me wesse:  
Dr lange Fluss düreşch janż Äjpte,  
dä Fernseh-Kroęťsch, dä su beliebte;  
sämplische Deeßjad van Soldate,  
dr hüükste Bäreşch en de Karpate;  
En Stroęß, beedsieds <sup>3</sup> van Bööm jesöömp,  
e bayrisch Bouwerk, wältberöhmp.  
Wie Spaniens Ur-Enwohner heesche,  
für-e Metall et chemisch Zeesche.  
Och Länder, Hauptstäđt ode Flüss  
em Kopp ze han, dat schad ję nüüß.  
Die komme praktisch emme wię  
en jedem Krüzwoęträtsel vür.

Su kann-et männeşchmoęł nötzlisch sen,  
em Henbleck op ene Hauptjewenn,  
wänn us et Alde Tästamänt  
me sämplische Propheete kännt,  
sisch uskänt en de Jötterwälte  
van Jriesche, Römer ode Kälte <sup>4</sup>.

Su wid dat Rätsel usjeföllt  
met Wöęť, die me für rischtisch helt.  
On hät me ięsch ens aajefange,  
jit noę on noę ee Woęť et ange.

---

<sup>1</sup> waagerecht <sup>2</sup> buchstäblich <sup>3</sup> beidseits <sup>4</sup> Kelten

Vür Kottem han isch en de Tat  
bej e Pries-Usschrieve metjemaat.  
Dõ konnt me nämlisch ene schöne  
janz attraktive Pries jewenne:

E Wääsche-Äng en e Hotel  
für die Jewenner spezijäll,  
on nauch met en Bejleitpersuun,  
Bejrööbungsdrank on Vollpangsjuun.  
On offeriert wor och e joot  
verlockend Wellness-Aajebot:  
met Sauna, Dampfbad on Massiere,  
met Lymphdränaasch on Pediküre.

Et wor e Rätsel wie jewännt,  
wie Krüzwoeṛtṛätle su send.  
Dõdren nöng Fälde, jrön markiert,  
van 1 bes 9 dūrēschnummeriert.  
Me fenk dat Lösungswōeṛ dōmet,  
dat us die Boochstave besteet.

Bej 13 sänkräeṛ wid jefrōōch:  
Wie heesch et iēschte Lāēsebooch?  
ene Edelsteen, (ene hemmelblaue);  
de Rūm <sup>1</sup> für all die Sultansfraue?

Wat eß och nauch dä Nāvvefluss  
vam Rheng, dä met e L am Schluss?  
En Tick-tack, die de Zik aanzejsch;  
wie »Danke« op Französisch heesch.  
En dütsche Stadt am Bodensee,  
bej 12 e ange Woṛt für »mä« <sup>5</sup>.  
Jefrōōch wid nõō e Drenkjefääß,  
on eefach wat en Herbsbloom eß.

---

<sup>1</sup> Räume, Gemächer <sup>2</sup> buchstäblich <sup>3</sup> beidseits <sup>4</sup> Kelten  
<sup>5</sup> nur

Wat kamme met de Pöß versände?  
E Woet für »schläete Aajewände«.  
Bej 18 sänkräet »Seemannsjrooß«,  
bej 8 e »änglisch Längemoß«.

Dann moot isch mä nauch fäedisich bringe  
dat Lösungswoet erußzefenge.

Per Internet on SMS,  
- wat hüzedaachs jö mööschlich eß -  
han isch die Lösung afjescheck,  
on hoff, dat met e beßje Jlöck  
isch desmoql ene Pries jewenn.  
Dat wör natürlisch wunderschön!

Isch waat jespannt op dat Verlose!  
Mee Lösungswoet wor »OSTERHOSE«.